

**Ilinniartitaanermut Immikkoortup allaffiisa
eqqiarneqartarnissaat pillugu
suliariumannittussarsiuussineq**

Ulloq suliariumannittussarsiuussineq 29. august 2024
Suliariumannittussarsiuussisoq: Qeqqata Kommunia

Suliassat suliariumannittussarsiuutat

Qeqqata Kommuniata matumuuna **septemberip aallaqqaataa 2024-imit allartittussamik** eqqiaanissamut suliariumannittussarsiuuppai:

B – 733B Ilinniartitaanermut Immikkoortoq, Akqusinersuaq 20, 1. sal, 3911 Sisimiut

Eqqiaanerup suliassartai

Ataasingorneq:

- Perusuersartarfiit, errortortarfiit asanneqassapput tunillannartuiarneqarlutillu, tarrarsuutit qillersarneqassapput.
- Pappialakoorfiit/eqqaaviit tamaasa imarneqassapput puussiartaalu taarserneqarlutik. Eqqaaviit puussiartaqassanngitsut innersuussutigaarput ajornanngippallu nerisakunut assigisaannullu eqqaaviit puussiartaqartinneqarlutik.
- Allarutit, igaffimmi atortunut allarutit erruutillu taarserneqartassapput.
- Matut tamaasa parnarneqassapput misissorneqarlutillu aamma qulliit qaminneqassapput kalerrisaarutillu ikinneqarlutik.

Marlungorneq:

- Perusuersartarfiit, errortortarfiit asanneqassapput tunillannartuiarneqarlutillu, tarrarsuutit qillersarneqassapput.
- Inini tamani toqqorsivinniittut minillugit asaammik panertumik sanerneqartassapput imaluunniit støvsugerneqassapput asanneqarlutillu.
- Allungiartorfiit siluttorneqassapput imaluunniit støvsugerneqassapput
- Pappialakoorfiit/eqqaaviit tamaasa imarneqassapput puussiartaalu taarserneqarlutik. Eqqaaviit puussiartaqassanngitsut innersuussutigaarput ajornanngippallu nerisakunut assigisaannullu eqqaaviit puussiartaqartinneqarlutik.
- Saaffiginnittarfinni nerriviit allaffinnilu nerriviit asattorneqassapput imaluunniit pujoralaajarneqassapput.
- Nerinermtut atortut, tiitorfiit puuguttallu errortorneqassapput igaffik eqqiarneqassaaq.
- Allarutit, tiitorfinnut allarutit erruutillu taarserneqartassapput.
- Illup iluani init akornanni igalaat qillarissarneqarsinnaapput
- Makittarissut qaavi pujoralaajassapput/asattussapput.
- Qulliit, ilisiviit skaaviillu allat allaffinniittut pujoralaajassapput.
- Qarasaasiat qaminngasut kiisalu oqarasuaatit pujoralaajassapput.
- Matut tamaasa parnarneqassapput misissorneqarlutillu aamma qulliit qaminneqassapput kalerrisaarutillu ikinneqarlutik.

Pingasunngorneq:

- Perusuersartarfiit, errortortarfiit asanneqassapput tunillannartuiarneqarlutillu, tarrarsuutit qillersarneqassapput.
- Pappialakoorfiit/eqqaaviit tamaasa imarneqassapput puussiartaalu taarserneqarlutik.
- Allarutit, igaffimmi stortunut allarutit erruutillu taarserneqartassapput.
- Matut tamaasa parnarneqassapput misissorneqarlutillu aamma qulliit qaminneqassapput kalerrisaarutillu ikinneqarlutik.

Sisamanngoneq:

- Perusuersartarfiit, errortortarfiit asanneqassapput tunillannartuiarneqarlutillu, tarrarsuutit qillersarneqassapput.
- Inini tamani toqqorsivinniittut minillugit asaammik panertumik sanerneqartassapput imaluunniit støvsugerneqassapput asanneqarlutillu.
- Allungiartorfiit siluttorneqassapput imaluunniit støvsugerneqassapput
- Pappialakoorfiit/eqqaaviit tamaasa imarneqassapput puussiartaalu taarserneqarlutik. Eqqaaviit puussiartaqassanngitsut innersuussutigaarput ajornanngippallu nerisakunut assigisaannullu eqqaaviit

puussiartaqartinneqarlutik.

- Saaffiginnittarfinni nerriviit allaffinnilu nerriviit asattorneqassapput imaluunniit pujoralaajarneqassapput.
- Nerinermut atortut, tiitorfiit puuguttallu errortorneqassapput igaffik eqqiarneqassaaq.
- Allarutit, igaffimmi atortunut allarutit erruutillu taarserneqartassapput.
- Illup iluani init akornanni igalaat qillarissarneqarsinnaapput
- Manissut qaavi pujoralaajassapput/asattussapput.
- Qulliit, ilisiviit skaaviillu allat allaffinniittut pujoralaajassapput.
- Qarasaasiat qaminngasut kiisalu oqarasuaatit pujoralaajassapput.
- Matut tamaasa parnaarneqassapput misissorneqarlutillu aamma qulliit qaminneqassapput kalerrisaarutillu ikinneqarlutik.

Tallimangoneq:

- Perusuersartarfiit, errortortarfiit asanneqassapput tunillannartuiarneqarlutillu, tarrarsuutit qillersarneqassapput.
- Pappialakoorfiit/eqqaaviit tamaasa imaarneqassapput puussiartaalu taarserneqarlutik.
- Allarutit, igaffimmi atortunut allarutit erruutillu taarserneqartassapput.
- Matut tamaasa parnaarneqassapput misissorneqarlutillu aamma qulliit qaminneqassapput kalerrisaarutillu ikinneqarlutik.

Allarutit, igaffimmi atortunut allarutit erruutillu sapaatit akunneri tamaasa erroneqartassapput.

Ukiumut: Eqqiaaqqissaarneq – oktobarimi aamma apriliimi pisussanngorlugu isumaqatigiissuteqarnikkut pisassaaq. Eqqiaaqqissaarnermi peqqissaarussilluni eqqiaaneq pineqarpoq, nillataartitsiviit eqqiarneqarlutik ilisivinnilu tamani ilisat piiararlugit peqqissaarussamik eqqiarneqarlutik kiisalu nappaarissut makittarissullu qaavi aamma ataatigut iikkiussat aamma ruujorit kiisalu qilaami qulliit eqqiarneqarlutik. Igalaat iluatigut silataatigullu qillarissarneqassapput Eqqiaalluni suliassanut tamanut suliassat pisariaqartut tamarmik ilaapput, suliamut nalinginnaasumut ilaallutik.

Eqqiaalluni suliassanut tamanut suliassat pisariaqartut tamarmik ilaapput, suliamut nalinginnaasumut ilaallutik.

Suliassat tamarmik eqqiaariaaseq nalinginnaasumik akuerisaasoq atorneqassaaq, matumani aamma nalinginnaasumik akuerisaasut eqqiaanermi atortut eqqiaatillu eqqortut atornissaat ilanngullugit suliarineqassapput. Naterni imeq annertoq atorneqassanngitsoq aammalu natermik eqqiaanermi erruutit/atortut siggukat atorlugit pisassammat erseqqissaatigineqassaaq, taamaalilluni natit ataani pequtillu il.il. isugutaqalissanani. Sapigalinnut avatangiisinullu uloriananngitsut eqqiaanermut atortut atorneqarnissaat kajumissaatigineqarpoq.

Eqqiaanermi atortut

Eqqiaasarneq pitsaasumik naammassineqaaqqullugu kiisalu sulinermi avatangiisit pillugit inatsit naapertorlugu eqqiaasarneq ingerlanneqaaqqullugu, atortussat pisariaqartut tamarmik suliakkerneqartumit isumagineqartassapput, matumani støvsugit, eqqiaanermi qamutaasat, erruutit, eqqiaanermullu atortut allat ilanngullugit. Suliarinnittup eqqiaanermut atortui, Ilinniaritaaanermut Immikkoortortaqarfiup innersuussineratigut, maannakkut inissiisarfimmi paarineqartassapput. Suliakkerneqartup suliassamisut isumagissavai erruutit, asaait il. il. erroneqartarnissaat.

Neqerooruteqartoq nammineerluni sapigalinnut tulluussakkat avatangiisinullu pitsaasut eqqiaanermut atortunik pisassaaq, taakkununga ilanngullugit akuutissat ulluinnarni atugassat, assersuutigalugu:

Perusuersartarfiit:

- Eqqutissiat
- Eqqavinnut tamanut eqqaavinnut siparninullu puussiat

- Perusersartarfinnut tamanut puussiaaqqat (madamposer)
- Perusersartarfinni assannut errortortarfinnut tamanut qaqorsaait imerpalasut
- Perusersartarfinnut tamanut saligutit (pisariaqarpat taarserlugit)

Iggaffik

- Erruivinnut maskinaasunut qaqorsaait
- Erruivinnut maskinaasunut saligutit
- Assammik erruinissamut qaqorsaait
- Assammik erruinissamut erruissutit (pisariaqarpat taarserlugit)
- Igaffinni igaffeeqqanilu tamani erruutit
- Iggavimmi erruinnermut allarutit
- Eqqaavinnut tamanut puussiartassat

- Eqqaavinnut puussiartassat (angisuut) matumani allaffinni eqqaaviit pineqanngillat

Eqqagassat silami eqqaavimmuut containerimut iginneqassapput. Taassuma imaarneqarnissaa Qeqqata Kommuniata akilissavaa.

Suliassanut tamanut imaqartumik nakkutiginninnermut eqitsisiliornermik ingerlatsinermillu suliassanik suliassaq ilaqarpoq. Tamatuma suliap suliarineqartup pitsaassusaaanik qulakkeerisuusaaq. Suut suliat suliarineqarsimanersut kiisalu ullulerlugu/inuttalerlugu suut suliat suliarineqarsimanersut allassimasussaavoq. Eqitsisit ingerlaavartumik nutarsarneqartartussaapput aammalu isumaqatigiissuteqarnikkut ilaanneeriarluni Ilaqutariinnik Kiffiartuussiviup aqutsisuiunut tunniunneqartartussaallutik. Misissuinnermut eqqiaanerluunniit pillugu ataatsimiinnernut atatillugu aqutsisunit tigoriaannangorlugit allaffimmiissapput mappe atortussanik tamanik katersuiffisoq.

Inerteqqutaavoq:

- o Illumi pujortarnissaq
- o PC, qarasaasiat, internet taakkuluunniit atortuunik atuinissaq
- o Oqarasuaatit atornissaat
- o Skuffinnik sikaavinnilluunniit ammaanissaq
- o Nerrivinnik allaffiusunik pappilianilluunniit nuussuinissaq
- o Tillinnerit politiinut nalunaarutigineqassapput

Piumasaqaatinik qulaani taaneqartunik unioqquitsineq isumaqatigiissummik unioqquitsinertut isigineqassaaq isumaqatigiissutillu atorunnaarsinneqarneranik kinguneqarsinnaalluni

Suliariumannittussarsiornermi periuseq

Suliariumannittussarsiorneq tamanut ammasumik suliariumannittussarsiorneruvoq.

Neqerooruteqarnermi najoqqutassat

Isumaqatigiissummi assersuutigalugu akigititaq pitsaassuserlu eqqarsaatigalugit assigiinngitsunik piumasaqaateqarluni, aningaasaqarnikkut orniginarnerpaaq aallaavigissallugu suliassaq suliariumannittussarsiuunneqarpoq, kiisalu sulisunik aqutsineq.

Isumaqatigiissummik atsiorneq

Ulloq septemberip aallaqqaataaniit 2024 isumaqatigiissuteqarnissaaq aallartissaaq. Sivisunerpaamik ukiuni sisamani isumaqatigiissusiortoqarnissaa naatsorsuutigineqassaaq. Piffissami isumaqatigiissusiorfiusumi aki naleqqussarneqarsinnaanngitsuulluni, eqqiaanermut atortuni akitsuutit qaffakkiartornerat minillugit aalajangersimasuusaaq, Nunatta Naatsorsueqqqissaartarfiata nalunaarutaani atuisunut akit naleqqersuutaat eqqiaassutinut atuuttoq.

Aalajangiusimanninnissamut piffissaliussaq

Aalajangiusimanninnissamut piffissaliussaq ullut ikinnerpaamik 30-iupput.

Neqeroorut

Ilanngussaq 1-imi neqeroorut allakkat puanut matoqqasunut poorlugu Ilinniartitaanermut Immikkoortumut, B-733B, Aqqusinersuaq 20 1. sal, 3911 Sisimiut tunniunneqassaaq kingusinnerpaamik pingasunngorneq 2024-imi augustip 14-ani nal. 16.00.

Allakkap puua nalunaaqutserneqassaaq: ”Ilinniartitaanermut Immikkoortumi eqqiaaneq”, kiisalu neqerooruteqartup atia aammalu najugaa.

Qeqqata Kommunia pisinnaatinneqassaaq neqeroorutit tamaasa itigartitsissutigisinnaallugit.

Neqerooruteqarnermut atatillugu suliakkerneqartumut paasissutissat

Neqerooruteqartup neqerooruteqarnermini paasissutissat tullinnguuttut ilanngutissavai:

- Ukiuni pingasuni kingullerni suliarisimasat assingusut pillugit paasissutissat allattorsimaffiat.
- Suliffeqarfik akiliisinnaajunnaalersutut imaluunniit akiliisinnaajunnaartut nalunaarsimanginneranik, nammineq piomassuserisamik akiliisinnaajunnaarnermik imaluunniit piffissalikkamik akilersuinissamik ingerlatitsinnginnermik, akiligassaminik akilersuiunnaarneranik, suliffeqarfimmik unitsinnginnermik imaluunniit allanut inissisimanginnermik uppersaatit.
- Suliffeqarfik pisortanut akiitsoqannginneranik uppersaat.

Sillimmasiineq

Suliarinnittussap akisussaaffiini iliuuseqarnikkut imaluunniit ilaginnaaneratigut, sulisut, innuttaasut Ilinniartitaanermut Immikkoortumullu ajutoornissamut allatigullu annaasaqarnissamut qulakkeerisussamik, suliarinnittussaq inatsisitigut pisariaqartunillu sillimmasiisussaataavoq.

Ilinniartitaanermut Immikkoortup illutaanik misissuineq

Illumik, kiisalu nalornissuteqarnermi aperisoqarsinnaavoq pingasunngorneq 2024-imi augustip 7-ani nal. 10.00 Ilinniartitaanermut Immikkoortumi katersuunnikkut.

Aki tunniunneqartussaq ukiumoortuuvoq, kingumut qaammatikkaartumik akilerneqartassaaq. Siumut akiliuteqartoqarneq ajorpoq.

Ilanngussaq 1 NEQEROORNERMI EQITSIT

NEQEROORUTIT

Neqeroorutit allattorsimaffii: **Ilinniartitaanermut Immikkoortumut eqqiaanissamut suliariumannittussarsiuussineq**

Suliariumannittussarsiornermi allakkiaq naapertorlugu, matumuuna suliffeqarfik ataani atsiortoq neqerooruteqarpoq eqqiaaneq eqqiaanermilu atortut ilanngullugit, aki.

Ilinniartitaamut Immikkoortumut eqqiaanernut, ukiumut

kr _____

Ulloq:

Ateq: _____

Najugaq _____

Oqarasuaat. _____

Suliffeqarfiup naqinnera atsiorneralu
